

皇明經世文編

皇明經世文編卷之九十七

華亭 陳子龍臥子 徐孚遠闇公 編輯

宋徵璧尚木 徐鳳彩聖期

王有孚尹玉泰閱

謝文正集

疏

謝遷

諫選妃嬪疏 諫選妃嬪

此文正公爲史官爲三本示書也 焦泌陽修實錄載
伏聞 陛下因內侍進言欲選妃嬪以克後宮臣愚
北齊云公謂中書而上此疏以公爲小人必賜以私
聞之且駭且懼以爲 陛下聰明神聖豈宜有此舉

熊維羆之祥，螽斯麟趾之慶，將有不期然而然者，何必汲汲爲此慮哉！惟后秉坤儀，職主內治，配德乾綱，共承宗社，如日月陰陽，相須而成，禮所至重，位不可虛，今則中宮正位，內主得人矣，自餘妃嬪，室可稍緩，又况祥禫之期，歲月幾何，俟山陵旣畢，禮制旣終，徐議其事，亦未晚也。朝廷舉事，風行甚速，聖明全德，白璧無瑕，豈可不自慎重，輕致玷虧也哉！臣又聞中庸九經，以去讒遠色爲勸賢之道。今陛下建極之始，正親賢修德之時，中庸之義，尤不可不深省也。伏望

陛下渙發宸斷，亟寢前命，勿逐一時之失，以貽後世之譏。庶幾不遠而復，凡爲諛佞容悅者，亦不得以誘惑聖心矣。

費文憲公集

疏

費宏

乞禁約狼兵私收俘獲人口疏

禁約虜掠

臣原籍江西廣信府鉛山縣人，近年饒州姚源撫州東鄉等處盜賊竊發，其地皆與臣本府相隣，臣聞各賊流劫鄉村，尤惡大姓，寡母婺婦，多受奸汙，驕子愛

女多被虜掠，怒髮爲之衝冠，悲感至於流涕。今年四月來，又聞調到狼兵，將帶所掠子女，載至南京貿易貨物。臣痛念鄉邦重罹荼毒，恨處之未能盡法，而師律益以不臧。至今地方未得安靖，自愧非才，誤蒙簡擢，經武遇亂，與聞政機，蓋四郊多壘之辱，固有不遑啓處者。况同室纓冠之救，又忍不以爲意耶。近有同縣人來，臣詢問鄉里消息，及用兵進止，其人說稱廣西副總兵張勇，曾差頭目，以童男童女各二人送至臣家，但臣弟完寄有家書，不曾開寫，以理度之，臣弟

亦知非義，決不肯留。弟恐勇方領兵征剿隣境流賊，望其驅逐鄉間，賴其保障。窮鄉寒士，利害在前，一時思慮未周，亦或隱忍容受。臣自得此信，寢食不寧，竊惟軍中所得幼小男女，係俘獲賊屬，法當收養聽取。人。為。直。凡。何。而。以。餘。糧。臣。若是被虜良家，法當招認給領，豈可以之克人事而結私交也哉。臣料勇雖武臣，亦知事體，決不爲此，以陷罪愆。或是誦來狼兵掠賣既多，以其不便，却乃假勇名自送至臣家。一則欲臣感其私惠而默不復言。一則幸臣中其陰計而噤不敢言。顧臣受國厚恩，方

圖報稱。尅已自勵。日乾夕惕。若因响沫之小利。而誤軍戎之大計。避矯激之小嫌。而昧取與之大義。則其貪冒之行。無異於狼兵。而殘忍之心。有同於流賊。

陛下亦將焉用之哉。臣已一面寄書與臣弟完。若前項人口未受則已。萬一誤受。速送至本縣。差人轉解。總制都御史陳金處。以憑依法行遣。臣又慮狼兵尚在南昌華林等處。攻剿山寨。猶未回還。或仍前虜掠販賣。爲害未已。則軍法不肅。盜賊難平。一方之民。何時可安。九重之憂。何時可釋。伏乞聖明特勅兵部。將

臣此奏轉行江西鎮巡及紀功科道官嚴加禁約痛革前弊事幾師律嚴明人心警畏群盜可以早滅民生可以早安

慎始修德以隆治化疏

慎始修德

臣等竊惟天下之治必本於一人之身而聖德之修必慎於更新之始茲者新宮甫成而陛下入承大統安處其中所以革故鼎新迓續天命實惟有待於陛下由此日新聖德慎始圖終以延本枝於百世固宗社於萬年則臣等不能不深望於陛下也所謂

慎始修德固非一端而其大者則在所親必正人所
聞必正道所行必正事所發必正言伏願陛下退
朝之暇靜處法宮取太祖高皇帝所編祖訓及宋
儒真德秀大學衍義逐復熟玩以涵養聖心詳審治
體凡百舉動必以堯舜禹湯文武爲法群臣章奏有
關於聖躬切於治道者置諸座右特賜睿覽見諸施
行至於左右侍從乞選老成靜重之人勿雜以儉邪
狎昵之輩而凡奸聲亂色奇技淫巧皆不得導誘意
得蠱惑聰明務使精神內固血氣凝定本源澄澈心

志不移。由是克養完粹，德性純一，則萬壽無疆，永作
臣民之主，諸福駢集，益綿胤祚之休。天下後世稱治
化之隆者，必首及於陛下，豈不足以追配二帝三
皇之盛哉。臣等職在輔導，無任懇切願望之至。所有
慎始修德事目，隨本上進，乞寫成牌扁，懸置殿壁，以
備接目儆心之助。慎始修德事目一敬天戒，人君奉
天命爲天子，當常存畏敬之心，其仁愛人君，有所譴
告，見於災異，尤當儆懼。卽今金星晝見，冬不嚴寒，各
處水旱爲災，天意不和，宜正心修德，施惠澤，除弊政。

以召休祥。一應修齋設醮。務爲禳禱之事。豫絕其端。不可輕信。一法祖訓。祖宗列聖。弘規大法。備載寶訓諸書。而太祖高皇帝祖訓。尤爲切要。宜時常省閱。凡事遵行。自無過舉。一隆孝道。聖孝純篤。三宮

在上。奉養之禮。諒無少缺。而

是特官。開有。敬筆加。

慈壽皇太后。斷自聖

心。首定大策。迎立我

皇上。入紹大統。功德甚隆。一

切奉事供養。尤宜從厚。

一保聖躬。

皇上春秋甚

富。氣血未定。務宜收斂放心。保養元氣。飲食起居。皆宜有節。至於聲色玩好。足以亂聰明惑心志者。尤宜

屏絕。此實享國永年之本。一勤民事。卽今天下百姓艱難。近京地方盜賊縱橫。宜留心民隱。訪問下情。大小章奏。躬親省覽。凡言及閭閻疾苦。減賦輕徭等事。須卽下該部加意賑恤。一勤問學。每日視朝聽政之暇。宜親近儒臣。誦讀經書。披閱史冊。講明義理。考見前代某君可法。某君可戒。以爲龜鑑。德語已及如宋儒真德秀大學衍義一書。尤爲切要。更宜留神熟玩。一慎命令。朝廷命令。必須審慮而行。旣行之後。不宜因一人私愛一言蠱惑。復爲更改。使國有定法。人可遵

守。一明賞罰。賞功罰罪。乃朝廷大政。凡官賞必當其功。有功者卽宜加賞。無功者不宜濫及。刑罰必當其罪。無罪者不宜濫罰。有罰者不宜輕縱。如此則人有勸懲。紀綱振舉。一專委任。凡朝廷大臣。宜開心委任。推誠付託。言議當理者。卽與施行。不宜爲讒言所惑。致生疑沮。以妨善政。一納諫諍。凡臣下直言規諫者。卽是忠臣。宜深加容納。卽與施行。仍記其人姓名。漸次任用。若巧言媚說。希圖寵幸。不宜聽信。致傷治道。一親善人。凡左右前後朝夕承事。必須簡

任忠厚勤慎之人。一切讒佞儉巧之徒。不宜在側。恐被誘引。移易心志。致損聖德。一節財用。卽今民窮財盡。府庫空虛。邊餉缺乏。宜躬行節儉。凡事減省。服食賞賜。悉依舊典。不宜忘費財物。以供無益。

乞正谷大用罪疏

正法奸宦

臣等今早文華殿進講之後。伏蒙特賜宣召。得親御座。商略大政。仰瞻天顏。和粹溫潤。俯聽玉音。從容委曲。真大聖之資。帝王之慶。臣等何幸得備任使。而遭是時幸諫多論大用罪狀而內閣復進講言此休明之運。荷此希闊之恩。退至內閣。更相慶忭。以

爲有君如此，何忍負之？竊惟聖明所諭，御馬監草場
地土錢糧仍聽本監管理，原差踏勘太監李璽等，免
其提問，俱已仰遵聖意，稟擬施行。惟谷大用竊弄威
權，蠱惑先帝，假勘地之名，混占產業庄田，至一萬
有餘頃，侵欺子粒官銀，至百萬有餘兩，利歸私室，怨
及朝廷，情罪深重，神人共怒，必須從公究問。然後國
法可彰，聖諭以爲地土乃祖宗之舊制，然額外有
所侵占，以剝害小民，致其嗟怨，則非祖宗設立之
初意也。聖諭以爲踏勘奉先帝之成命，然歷年有

所侵欺。以饜飽好貪私於一已。則先帝亦不得而知也。自陛下卽位以來。踏勘見於詔旨。官經屢遣。歲已三更。今草場之界額旣明。大用之惡狀益著。若不明正其罪。何以警戒將來。况今水旱相仍。人民十分飢困。追其所侵賊銀之半。足以少備賑濟之需。與其積於一家。以利蠹國之盜臣。孰若散於窮民。以溥朝廷之恩澤。伏望俯納臣等之言。以正清朝之法。將谷大用提問追贓。則可以平人心之怨憤。可以彰天討之至公。天下幸甚。臣等幸甚。

兩淮水災乞賑濟疏

水災賑濟

行數解臣各上便宜言者互聯而林次歷時作一書
竊見今年以來四方無不告災而淮揚廬鳳等府滁

上之

徐和等州其災尤甚臣等詢訪南來官吏備說前項

地方自六月至於八月數十日之間淫雨連綿河流

泛漲自揚州北至沙河數千里之地無處非水茫如

湖海沿河居民悉皆淹沒房屋椽柱漂流滿河丁壯

者攀附樹木偶全性命老弱者奔走不及大半溺死

卽今水尚未退人多依山而居田地悉在水中二麥

無從布種或賣鬻兒女易米數斗偷活一時或拋棄

冢鄉就食四境終爲餓殍流離困苦之狀所不忍聞。臣等竊惟各府州處南北之衝爲要害之地。聖祖之創造帝業實以此爲根本。江南之輸運錢糧實以此爲喉襟。況自古奸雄啓釁召亂多從此地。若不急議賑恤深恐冬盡春初米價愈貴民食愈難。地方之變殊不可測。蓋小民迫於飢寒豈肯甘就死地。其勢必至棄擾鋤而操挺刃。賣牛犢而買刀劍。攘奪穀粟流劫鄉村。雖冒刑憲有所不恤。嘯聚旣多遂爲大盜。攻剽不已且有逆謀。於是欲招之則法廢而人玩。或

未必從。欲剿之則兵連而禍結。或未必勝。貽害不小。善後實難。孰若思患而預防。乃可漸消而默解。臣等嘗伏讀 聖祖之訓。有曰。凡每歲自春至秋。此數月尤當深憂。憂常在心。則民安國固。蓋所憂者。惟望風雨以時。田禾豐稔。使民得遂其生。如風雨不時。則民不聊生。盜賊竊發。豪傑或乘隙而起。國勢危矣。此蓋我 祖宗保有四海之心法也。今前項重地。有此災傷。陛下尤當仰遵 祖訓。深加憂念。恤民生以固邦本。乞勅戶部會集廷臣。講求賑救之方。各衙門一

應歲辦額辦錢糧在此地方者俱宜暫從蠲免庶幾德澤下而人心咸服未死之民得延其殘喘未萌之變可保其或無矣

請徙慶庶人疏

徙置罪藩

今日蒙發下刑部等衙門會官議處慶庶人台法事情皇上親御宸翰以其事勘問既明已發落處置不必又議遷徙欲臣等再稟旨來仰窺聖明篤念親親惟恐被人妄意擾害卽古帝堯親睦九族之意竊謂親親固爲治所先而地方關係重大倘有他變事

千宗社，尤不可不慮，所以累朝列聖於各宗藩過之
小者，薄示懲戒，過之大者，未嘗輕處，割息正法，皆非
得已，查得先差內外勘官，所奏台滋罪犯，不爲不重
且稱其遠在邊陲，習成稔惡，武夫悍卒，易於招呼，若
從輕典，恐異日厲階蔓延，有安化之變，節該多官議
請遵照 孝宗皇帝處置代王聰沐事例，遷徙陝西
省城居住，以消其釁，奉旨降作庶人，着在本府居住
又歲給膳養米三百石，息已過厚，台滋不知改過自
新，却又私交匪人，輕戕人命，怙終干紀，縱跡詭秘，誠



不可測。寧夏鎮巡官員，以地方事重，利害切身，不得不言。刑部等衙門，多官查照，先今論奏，揆之事實，稽諸國法，所引代王聰沐事例，最爲親切。台法所犯，比之聰沐，殆有甚焉。而大同之遷山西，與寧夏之遷陝西，亦正相合。况台法雖稱革爵，其內外各衙門所管

勾勝爲忠，故謀遷省城。

大同、寧夏、俱○地○恐○其○不○故○或○

人後，不下數千，官府深密，鎮巡難以關防，出入又難禁絕。又聞有土達二百餘人，先年不知何故，聽其役使。今罪狀已露，爨端已開，若使元惡不離本土，群下素憚其克雪，孰敢不聽驅遣，而極邊之地，密邇賊巢。

人心易於搖動，奸兇易於召集，將恐變生不測，誰任其咎。伏望皇上再加審處，合無仍照臣等昨所稟擬發出施行，倘或聖心未協，乞照今擬稟令各官再行會議，停當奏請定奪，庶免後艱，不致重貽地方患害。臣等所見如此，伏乞聖明裁處。

請差官治河疏

濬治運河

惟黃河之爲患久矣，禹治洪水，以河爲先。漢宋以來，皆專設行河使，講求治河之策，蓋以河流變遷不常，其性湍悍，所決之處，官民廬舍田地，悉皆漂沒，故嘗

皇明經世編

謝費二公集

卷之一

濬治運河

十一

平露堂

預築隄防以遏其勢。雖有所勞費不暇恤也。我朝河勢南趨。自入河南地方。卽分爲渦河等河。下流各由淮入海。其勢旣分。故雖有衝決之害。亦不甚大。惟天順弘治間。嘗決張秋堤。卽命大臣興工修築。竭數年之力。所費以鉅萬計。然後決口乃塞。運道乃安。至於正德之末。聞渦河等河日逐淤淺。黃河大股南趨之勢。旣無所殺。乃從河南北界徑內山東曹濮地方。奔赴豐沛。飛雲橋等處。分爲三口。悉入運河。泛濫瀰漫。茫無畔岸。自徐州至於清河數百餘里。一望皆水。田

地悉在水中。居民依山棲泊。耕種失業。逋年糧草無從辦納。民生困苦之狀。所不忍見。官民船隻。南去北來者。通無牽挽之路。必待順風。乃能前進。此則前數年河溢之患也。近日以來。又聞沛縣沙河等處。浮沙湧塞。四十餘里。隨濬隨湧。河流不通。一應舟楫。由昭陽湖取道往來。其勢似爲可慮。况昭陽積水不多。春夏之交。湖面淺涸。則運道不免阻塞。京師歲收四百萬之糧石。何由可達。官軍數百萬之衆。何所仰給。此則可憂之甚也。爲今之計。必須渦河等河如舊通流。

分殺河勢，然後運道不至泛溢。徐邳之民，乃得免於漂沒。若不作急整理，將來河復北決，意外之慮，又有不可言者。伏乞勅下戶工二部，協同計議，卽於大臣中，推舉通時務識地理能任大事者一人，帶領才幹部屬官二員，前去山東河南南直隸地方，多方詢訪，相度水勢，應該作何區畫，下流可濬，故道可復，合用人工若干，錢糧若干，星馳奏報，上緊用功，雖有勞費，亦難顧恤，庶幾連河可保無虞，而國計不至於缺乏也。

書

與江西巡撫任公宗海書

酌募机兵

江西之事弊也極矣，所以屬望於執事者久矣。簡擢之命既下，縉紳交賀，以爲得人，而吾鄉人士喜溢眉宇，列郡之民自是其有更生之樂乎。聞姚源逋寇，至德興者，皆願聽撫於執事，中孚之感，可及豚魚，蓋不誣也。但鄉人來者，謂或陽境內尚有餘孽數千，亦是姚源流出，豈撫之猶未盡乎。抑延蔓難圖也。執事必思所以處之，而不致其滋蔓矣。竊意其中有名首惡。

不過數人。其餘悉出脅誘。未必無自新之意。第曉之
或未詳明。當時所降黃榜旨意。亦坐不知首惡主名。
未及指出。今宜指數其尤惡者數人。明白曉告。惟此
數人不赦。自餘一無所問。或此數人能自相擒斬。以
獻并赦其罪。則彼欲驅民以張勢與助盜以爲奸者。
其心必相疑。其黨必自散。此兵家伐謀伐交之策。且
於誅惡之義。宥過之仁。兩無所失。不知以爲何如也。
初河北群盜不下十數萬人。前旨旣下。解散者七八
萬。而劉六劉七齊彥名及劉三趙風子輩始孤弱潰

趣而南矣。亦惟此數萬人，多出於脇誘，而非欲死於鋒鏑之下也。好生惡死，人心同然。江西之民，豈獨甘就死地乎。在爲民牧者，有惻怛慈愛之心，而明示以可生之路耳。傳者又謂狼兵未至，賊惴惴有必死之憂，以爲其鋒不可敵。迨乎狼兵既至，與之交通，縱其奔逸，則其勢益橫。略無忌憚，蓋往時流劫，不過一二百里，猶未敢離其巢寨。今則至德興至弋陽，又至上饒，駭至徽衢界上。且有由鉛山而入福建之舉，是猶病寒之証，傳經不已，而且爲流注。非有仁心仁術

如執事者。其孰能救之。聞狼兵半已擅歸。民固不堪其毒而深幸其歸也。然賊未盡除。兵不可罷。而本地守禦之兵。及僉克機快。皆不足恃。故論者欲所在大家團結丁壯。自相保障。從前巡撫勅中皆載之。如近日何溪都等處。亦以一二大姓當賊要衝。能合力遏之。而使之不敢遠出。此鄉兵可用之明驗也。愚意謂今之機兵。雖不足用。若能均其役而更其法。則固可轉而為精壯之兵也。蓋舊日是役。僅憑該縣官吏耆老開報。僉克。頗多私弊。或人丁事產。無大相遠。而有

與有不與一兵事最悉甚者放富差貧源九民壯兵皆知此也往往有不均之嘆。且村落

之民未能去農畝而羈縻於官府。富室之子未能脫履屐而甘列於戎行。則必出銀若穀募市井游手之徒。以冒名代役。平時不過用以追呼迎送。而近乃以之拒賊。正所謂驅市人而戰。徒足以損我之威。張賊之膽。而豈有毫釐之益哉。今欲均其役而更其法者。何也。大約機兵一名。每歲顧募須銀二十兩。假令縣額機兵二伯名。則歲費四千兩。而此四千兩者。空令該縣有田之家。通融均出。若有田四萬畝。畝出銀一

分足矣。况大縣之田。未必止於四萬畝。則其所出至微而易辦也。如此庶勞逸均平。而人無怨者。乃以其銀募可以爲兵者克之。或募富家佃僕。私習擊刺者。或募捕獵人。力扼虎而射命中者。或募今日聽撫惡少之革心者。審其年力報之有司。各足原定机兵之額。擇大家父老。素有鄉曲之譽。而其才又足以馭衆。志又在於立功者。統之縣各二人或三人。每月率其所統。一再赴縣中。聽掌印官比較武藝。大略如操練之法。視其生熟。嚴行賞罰。必求實用。不得徒爲文

俱一鄉有警防禦追捕皆責成於此二三人有功則賞或功多則與奏請官職如近日江西聽撫賊首何積玉及四川領兵吏何定事例若鄰邑鄰郡有警且賊之多少事之緩急隨便調發互相應援而其簡閱稽考又一屬於兵備憲臣此法既定三數年間縣縣各有任戰之兵盜知有備必不敢發即發亦可撲滅自不能滋蔓矣

皇明經世文編卷之終

皇明經世編

謝費二公集

卷之一

附錄兵七

平露堂

皇明經世文編卷之九十八

華亭

徐孚遠嗣公

陳子龍臥子

選輯

宋徵璧尚木

沈

泓臨秋

上海王光承超世叅閱

喬莊簡公文集

疏

喬宇

陳愚見以廣聖聰疏

臣今年二月內奉

命往祭山西中鎮霍山諸神歷

太原大同平陽蒲潞遼沁等府州凡道路所經地方

利弊邊塞軍民疾苦蓋嘗用心訪詢略知一二雖不敢上比于周爰咨諏之義但臣犬馬微忱自有不能己者謹掇拾所聞冒干天聽然此特一方之事至于四海之廣所未能知者尚多朝廷政化之原尤有重于是者嘗聞宋韓琦之告仁宗謂外憂之起必始內患因歷指綱紀不立忠佞不分賞罰不明號令不信浮費靡節橫賜無常務宴安之逸遊縱宮庭之奢靡受女謁之于請容近昵之僥倖十事爲內患可謂深識治本者矣仰惟陛下聖質當以堯舜爲法

無論仁宗而臣之愚竊有慕于韓琦者敢誦此言爲
陛下獻伏願 正心窮理節用戒遊日接賢臣講求
政理自宮闈之近達諸天下之遠推行有序化道無
遺務使一民一物無不與被 堯舜之澤則 光昭
新政足以慰 列聖在天之靈內患旣平外憂自悉
區區西北不足以煩 宵旰之憂矣

一恤邊民臣竊以大同府所屬應州山陰馬邑等州
縣皆漫散平地相離邊牆不遠百姓依村堡住居無
園林桑棗之利雖有田畝耕種所獲不多况又連年

黠虜深入。侵擾禾稼。搶掠人畜。民不聊生。比與腹裏地方不同。去歲已蒙 寬詔。將山西陝西弘治十八

年以前拖欠糧草停徵。但所司不能奉行。督催之吏

以整理糧儲爲名。急如星火。連併上納。閭閻愁怨之

聲無由 亦非有司之過也 上聞。昔人所謂黃紙放白紙催者。臣親見

其弊矣。伏望 陛下憐念邊民疾苦。特 勅該部。除

已徵在官外。其正德二年分夏秋糧草減半徵收。庶

百姓少得蘇息。寬一分則民受一分之賜矣。

一厚邊軍大同宣府二鎮。切壓邊境。軍士不時調遣

衝突風沙，辛苦萬狀，止是月糧歲布，別無經營。近年以來，法度寬弛，所在官司，誅求剝削之苦，日甚一日。平居既不能休養士氣，卒然臨敵，何以責其敢勇戰鬪。自去歲遊擊等兵敗衄之後，士卒寒心，威武不振。臣過鴈門，親歷廣武驛以北村落，皆虜人殺傷擄擄之處，民物蕭條，可爲慟惻。伏望 皇上矜憐邊軍窮乏之時，勅彼處撫按官，務以愛養士卒爲重，嚴戒一應官員旗甲人等，不許侵扣冒支軍士月糧花布。如有指以使用爲名，侵扣者，總筭至值銀一兩以上。

卷之二
一
參問畢日、旗甲人等發本處極邊墩臺常川哨瞭。指
揮以下官員、常川帶俸差操不許推舉管軍管事。干
碍勢豪、叅奏重爲處治。

一廣儲蓄、臣聞爲國之道、必重農桑、而務積聚、若量
入制用、何以備預凶災、故古者無六年之蓄、尚謂之
急、以今較昔、實可寒心、去秋山陝二布政司禾稼不
熟、各處預備倉等項、所貯糧穀甚少、鄰近地方糴買
告于搬輸、鄉村小民、皆立俟逃亡、人力不給者、坐以
待斃、所賴今歲夏麥頗收、稍爲接濟、不然幾致狼狽、

乞 勅該部轉行撫按官及府州縣等衙門除預備倉糧。照依歲額收貯。今後凡問刑衙門一應輕重罪囚。納米贖罪。及納紙等項。不許照近年事例。收銀解官。俱照舊例。各納米上。彼處預備倉。嚴立簿籍。以憑稽考。年復一年。倉廩所積者。漸自充足。遇有荒歉。隨宜賑給。黎民免逃移凍餓之患矣。

一省科派 國家以民爲本。百姓之足與不足。盛衰係焉。臣所經州縣地方。田畝日益開闢。生齒日益繁夥。較之往昔。大有不同。然民儲蓄恒少。用度恒苦于

不足。臣嘗求其過矣。稅糧草束歲額有常。而國用無
經。冗食太衆。差役重疊。科派頻繁。百凡木植顏料之
物。在在增加。加以連年轉輸邊餉。民力疲竭。無有寧
止故。一遇荒歉。非流徙四方。則填塞溝壑。興言及此。
可爲慟心。伏望 皇上以節財用足民食爲慮。特
勅該部。將一應顏料等物。于山陝二布政司免其坐
派。庶財用有所蓄。民力不重勞。值有災傷。亦可支持。
不至顛沛失所矣。

一謹守令。伏以親民之職。繫于郡縣得人。得其人則

百姓蒙其福不得其人則百姓受其害今天下守令
中間履行潔白才識優長者固有其人然亦有貪黷
害政者有巧飾詐僞以邀名譽者有懵然不知民情
委法令于胥吏者有暗懦不能制豪猾使良善無所
區別者有嚴峻刑罰視人命如草芥者若上之人無
鼓舞懲勸之道則中人之資何所勉進而蒼生利病
誰爲興革况山陝地方連年兵荒牧民者尤當慎擇
乞 勅該部轉行二處巡撫巡按官務須多方糾察
不時巡歷痛革迎送之繁勿以奉承奔趨爲敬仍將

官員分爲三等、廉而有爲者爲上、慎于守已不能害民、而幹才頗欠者爲中、守爲俱欠、于幹辦雖優、巧于剝削者爲下、上等者必在旌舉之列、中等者略加勞勉、下等者必行斥罷、如此庶人心知所勸懲、可以挽士風而趨于正、百姓亦得霑實惠矣

一重祀典、古帝王有大功德于天下者、皆世享血食、非有所黷淫是以 皇上有登大寶、肇稱殷禮、卽遣臣等往祭 歷代帝王臣謹攷 商湯王陵在滎河
縣北西十里、舊傳陵已爲河水所齧壞不存、歷代皆

于岍東近地設位而祭，但屋宇卑狹，地勢淺陋，不足以奉明祀，爰聖靈，且人有一郡一邑之功，尙建廟立廟，著在國典，况湯王寬仁勇智，除暴救民，爲萬世人君所當取法，顧可使之棲神無所乎？彼時臣祀禮旣畢，曾與陪祭官叅政才寬，僉事來天球，議得廟後有隙地三四畝，可以建置殿堂三間，兩廡，牲房數楹，伏望陛下以帝王之祀爲重，特勅該部轉行山西布按二司，分巡分守官，親行閱勘，支無碍官銀量撥人夫，開展修葺，庶免因陋就簡之失，以隆

一代之典、

明舊章釐宿弊以圖治安疏

公爲南京參贊所上

伏惟我 祖宗建邦立政、貽謀宏遠、行之萬世、亦無

不宜奈何承平久則玩愒生、法令寬則姦蠹作、不友
時除治、則敝壞日深、而後莫可圖矣、切照南京爲天
下根本之地、聖祖肇造于此、百五十餘年其間

舊章雖在、而有未明、宿弊已深、而有未革、臣本凡庸、
誤蒙 簡命、視事以來、日夕憂懼、罔知攸措、但政典
之大者非一人之所專行、積弊之深者非一日之所

能去謹條陳六事上濟宸聰伏望皇上仰遵累朝之典俯察迎時之弊斷自聖衷下之該部如有可采卽賜施行

一嚴操練以修武備照得南京原設大小教場神机營新江口四營軍馬所以固京師以防外侮者也操練之法誠不可不嚴臣節伏覩累朝勅諭內事理南京內外守備叅贊官四營每月該操之期輪該一員與協同官員閱視嚴切比較以示勸懲夫謂之每月一次則不欲疎曠以致怠玩謂之輪各一員則不

欲重難以致廢弛其委任之意至矣盡矣奈何法久則寬事多循習。今一年之間內外守備叅贊官止是春秋會集到營二次。非惟于操練之法未嚴。抑且與勅諭之旨不合。合無今後除春秋二次看操外。每遇該操之日。容臣與內外守備官輪各一員到營閱視。如此則舉動便而省會集之煩。比較勤而免怠緩之弊矣。

一禁役占以肅軍政。照得各衛軍餘。我國家有百餘年休養生息。惟恐不得其所。所以克行伍而嚴備

禦也。邇來營隊之間，疲敝者多，精壯者少。雖有披堅執銳之名，而無折衝禦侮之實。蓋由禁治之法既寬，役占之弊未革爾。查得弘治十三年，該南京吏部尚書等官秦民悅等，奏准南京五府掌印官，定與二十名跟用，見任佐貳，每員十五名，俱于本府所屬軍多衛所空閑餘下內撥用。其餘役占辨納月錢之人，盡數退出，爲照近年以來各官，其老成奉公者，固不肯違制而縱私，其貪殘剩下者，亦未免謀利而忘義。役占軍丁，甚至人百餘名，取覓官錢，多致月數十兩。

以公家守衛之人。爲私室營辦之計。况有豪猾姦頑者。往往投托影射。生事害人。就轉而避重。蠹法戕政。莫甚于此。乞 勅該部查照前項奏准名數。申明定制。嚴加禁革。其役占軍餘。及其投托影射者。悉令退出差操。仍令各衛所通將退出。并撥過餘丁姓名。造冊送赴南京兵部兵科查理比較。此外但有仍前占。恡貪刻之徒。聽本部及科道官指實劾奏。革去官事。閑住。仍通行南京科道并各衛所一體遵奉施行。如此則私役少而 國法振。行伍清而軍政肅矣。

一輩冗員以寬民利照得南京龍江關皇城都城各門內府甲字等庫近年以來添設內官內使數多擾

害軍民商賈其弊有不可勝言者且如龍江一關乃

此在正德季年所添設也

京師商賈必經之地今守關官員增至二十七員進

關使用橫取于常晝夜思以營私左右望而罔利物

價騰湧于市肆商賈嗟怨于道路其都城門之攘取

至于賣菜之貧人其皇城門之求索至于擔漿之細

物守庫者立茶果之名解納者苦錢糧之費皆以爲

公。道。可。辦。私。賄。難。酬。以。致。府。藏。不。得。克。盈。掩。欠。不。得。

完納、聖明之世、豈宜有此、近年累經題奏、未奉特旨裁革、益肆荼毒、罔有忌憚、伏望特勅內外守備官、務要查遵成化年以前事例、照數存留管事、其餘多添濫設者、盡行革退、庶幾民害可除、而民刑可寬矣、

一買戰馬以振軍威、照得用兵之法、騎爲上、步次之、若營伍之間有軍矣、而無騎戰、與無軍同、有馬矣、而不壯盛、與無馬同、今南京各營買補馬匹、舊例椿朋租銀、湊合七兩買補、正德九年、奏准增添租銀二兩、

鞍合椿朋銀共九兩買補正德十一年以後仍照舊例不許增添但近來南京地方馬匹甚少價值甚高卽令九兩買補尚且羸小不堪騎操若復減至七兩勢愈難行蓋有馬者固不肯低價以售于官買馬者亦安肯出私以賠于國苟不通乎人情曷以濟乎實用查得弘治年間奏准買補馬匹須四歲以上八歲以下價自十二兩至十五兩今據此例則太少莫若通融區畫以合時宜椿銀固難更改租銀則可增添合無量加三兩共鞍前數本部選委廉幹指揮一員

督令各營買補待後地方馬多價減另行奏處如此則賠償之苦得以漸寬倒失之數得以漸復矣
一定缸差以便進貢照得南京錦衣等衛馬快缸隻
國初止爲操江禦侮而設後以京師相去遼遠其器
物所需必取給于南京皆以馬快缸隻裝運亦一時
通融漸處之計非原設本意也查得快缸原設九百
五十八隻奉例減退一百五十隻馬缸原設八百一
十七隻奉例減退二十一隻中間有朽爛拆卸而數
年未得成造者有漂流無存累經查究追造而未見

完報者，有大脩而經歲不完，有小脩而累月未畢者，有遭風沉溺，車壩損壞，而甲餘俱逃者，有因公差夫舡，私回籍而查拘未到者，是以舡隻日益減少，其蘆新進貢，除歲例照常應付外，近又巧立名目，比舊加添。又有不時取用物料造辦等項，多討舡至五六十隻者。及欽差等官往來應付，差使日益浩繁，夫甲日益貧，耗甫歸之席未煖，而後差之裝運又行，前次之債未償，而後差之幫錢隨繼，甚則蕩廢產業，鬻賣子女，痛楚萬端，無所控訴，往往逃竄他鄉，父母兄弟不

能相顧，良可憫惻。至于沿河一帶軍衛有司，驛遞等衙門，人力竭于迎送，夫錢苦于誅求，其被害尤有不可勝言者。臣請于薦新進貢等項，一一遵照先奉欽定則例差撥。近年奏討增添者，量行查革。其欽差往來，則少者一二隻，多者不過三四隻。其取用造辦等項，則少者七八隻，多者不過二三十隻。驗裝科道等官務，要查數定扛，不許過違舊例。如此則舡隻雖曰減耗，庶免困乏之虞。夫甲雖曰貧難，庶免流離之苦矣。

一脩舡隻以便差用，照得南京各衛快舡，先年俱是工部出價成造，後以所造多不固。如法奏准工部支價。本部委官成造，續又奏准工部出銀七十兩，本部出租銀二十兩，并變賣原舡舊板銀十兩，共得銀一百兩，爲照快舡成造，必得銀一百五十餘兩，然後堅完可用。小甲陪補過多，深爲貽累，合無行令工部量添銀二十兩，本部量添租銀一十兩，奏合前銀成造，庶得工力易舉，而少免陪補之患矣。及照南京內官監孝陵衛等衙門，斫取蘆柴，搬運磚瓦，共該馬舡

三十餘隻裝運被各該官員索要幫錢數多人夫不得安生。舡隻又爲蘆柴所壓多致損壞沉溺深爲未便。若將快舡照前量添價銀成造其底舡不使變賣存留本府通融措辦改造匾淺舡隻以爲裝載蘆柴等項之用。其各舡撐駕人夫合行江淮濟川二衛備查各號舡隻有遠年事故徵造未起者暫將各項舡隻查照字號編補所有解到各舡人夫就令照號編僉撐駕待本號舡隻徵造完日另行區處如此則快舡之成造易舉而馬舡之差用有餘一舉而兩便矣。

皇明經世文編卷之終

皇明經世文編卷之九十九

陳子龍臥子 宋徵壁 上木

選評

華亭

徐平遠 關公

李 雯 舒章

相 熊伯祥 叅校

彭襄毅奏疏

疏

彭 澤

論流賊

流賊

盜兵敗於叅將宋振，奔聚林縣山中，復出掠衛輝。懷慶臣意賊計有三：或面縛來降，變名潛避。上也。北有

戴儀兵。南有宋振兵。惟中路衛輝大名兵寡。若暫時

假息。乘隙出山。仍循故道。長驅剽剽。徐爲遊散之計。

流寇長其流劫難制也。若假息山林。是爲窮

中也。若倚恃林輝濟源河內以西壺關陽城陵川高

寇何今之。久立家計也。

平以東。地方險遠。柵爲家計。以圖久駐。下也。然此賊

自揣不赦。必出其下。憑山谿之險。糾合土賊。招聚亡

命。迫脅善良。則環百數十里之境。民畜錢穀。皆爲所

有。時遣數十百騎。劫擾彰德衛輝懷慶三府。使我軍

不得休息。錢糧日費。彼合而逸。我散而勞。將來未可

猝定也。爲今之計。必須山西河南兩鎮官軍。協同宋

振表裏夾攻使其寢食不遑。進退無所。不數日間。殄滅無遺矣。若但移文山西鎮巡官截殺。動調官軍。開領軍器。往返動以月計。機會既失于因循。士氣亦沮於牽制。繼有後謀。難以濟事。

論宜允諸大臣辭免恩蔭疏

聽辭恩蔭

近覩勅諭錄定策之功。封拜恩蔭多至五十二員。

官爵太濫。今大學士楊廷和等懇辭之疏。至四至五。

字駭上書開臣論不當受恩典諸老甚爲不樂萬

尚書毛澄與太監蕭敬等具辭亦至于再。內楊廷和

一受異日疎疏不爲辭亦之獨更不則矣

蔣冕毛紀雖俱准辭。伯爵改蔭指揮費宏雖已准辭。

指揮改廕千戶俱經日久不敢拜受而毛澄與蕭敬等屢蒙溫旨未見賜允臣等竊見諸臣之疏皆出由衷况節經言官論建咸以爲言伏望皇上體念內外諸臣辭免之懇切俯從科道等官論奏之頻仍痛錦衣衛所官員冒濫之積弊將前項勅內有名如大學士楊廷和等量加別項恩典以爲大臣忠誠之勸其費宏毛澄以下分別等第係文職者量廕應得文職係內臣者量賜優賞皇親已受封爵者子孫翁侄俱不必槩受武職并令世襲其前項內臣中間加有

當時同心協力，平定禍難者，量廢一官，止終本身以旌勤勞。朕於朝廷崇德推恩之盛典，諸臣秉忠戒滿之本心，言官隨事納忠之專職，咸兼盡而兩全矣。

論待歸正人疏

待歸正人

比年北虜爲患，俱因擄去邊民，及負罪投入者。教以用兵節制，以故所向無前。今各邊走回人口，在虜營住久，其於虜情動止，關隘險夷，及我邊人爲彼鄉導者，無不熟知。乞勅各邊鎮巡官，凡有走回人口，如幼男婦女，并擄去年淺者，量給衣糧，護回原籍。其在

虜日久。諳曉虜情者。務加研審。若果忠實有才畧。卽留。邊。効。用。厚。加。慰。勞。以。備。咨。訪。因。而。資。爲。間。諜。誘。我。漢。人。使。漸。逃。歸。以。孤。虜。勢。其。無。他。技。者。仍。護。還。若。有。留。難。需。索。者。加。治。不。宥。庶。來。歸。日。衆。而。虜。情。可。得。戰。守。有。賴。

論鎮守內臣換易

鎮守內臣

此疏便開盡撤內臣之札永嘉興取此輩窮然矣
頃者司禮監傳奉 聖旨勅御馬監右監丞鄭斌鎮

守廣西地方守備倒馬關傳倫牛榮取回南京開住

凡官如此况于內臣

臣等竊謂中官出鎮已爲民害至于數易其害尤甚

夫楊金鄭斌安川行事廉靜與否。臣等雖不得預知。但傳倫牛榮在鎮年久。所欲已滿。又榮嘗被劾。或知警畏。若新任者。饒虎之欲。甚於飽虎。况交待之際。迎送供應。爲害實多。今無故驟傳更替。此非各官夤緣鑽刺。焉有是乎。乞將楊金鄭斌安川。拏送法司。明正其罪。仍將倫榮各加戒飭。再乞以後各處鎮守等項。內臣不得頻數傳奉更易。庶舊任者得安心辦事。未差者亦免奔競無恥之愆。

覆巡撫延綏都御史疏

延綏邊務

一嚴禁例以除宿弊、今後各鎮守太監總叅等官、有犯役占科斂等事者、太監取回、宜照文職犯賊事例、不許推用將官革任、降級者拿問、其奏帶撥置之人、發極邊衛充軍、一聯邊堡以壯軍勢、請新安邊管分守叅將并千戶所查帶原該兵馬、仍于舊安邊管分劄于十字澗築城、將把都永清二堡官軍、移調操守于花于輒井築城、將石澇新興二堡官軍、移調操守于花馬池、鹽池鎮城、亦量增築、添設守備官、移調三山饒陽二堡官軍、操守、又營堡旁地膏腴千頃、均給官軍。

聽其開種，四五年後，乃可徵租。又于鎮城至波羅堡適中之地，增築平夷舊城，撥軍操守，以遏虜衝。一止濫刑以重人命，各將領于所轄官軍，除臨陣退縮，許用軍法外，其餘有犯，止用常刑。其情罪稍重者，行撫按叅治。如有酷用非刑，致損人命者，聽各該撫按糾舉論罪。一明軍功以勸武勇，凡名邊官軍斬獲首級，先行兵備官研審的確，開載明白，送巡撫再審奏報。一面行巡按御史照例覆勘，以候陞賞。若兵備官審報不公，坐以徇私罪名。一減繁瑣，以便節制。請今後

軍職有犯除徒流以上照舊奏請外其餘笞杖罪名乞照雲貴事例聽巡撫官照舊罰治年終類奏以備查考一利器械以供戰陣請行四川廣西雲貴福建等處但有一應器械可以破虜殺賊如強弩紙甲神鎗藤牌等項俱照頒式樣製造或撥委工匠及善于用使之人赴各邊演習。

軍職貼黃

舊例京外衛所軍職帖黃文冊每年一造送部查考又軍職賢否在外聽撫按在京親軍等衛聽科道并

本部主事等官，府屬衛所，從本府堂上官各訪實填

金吾點檢，向由兵

註考語揭帖送部，以憑斟酌推用。夫錦衣衛官，近待

邦正德，於爰內降耳。

之職，尤須得人。近楊玉錢寧輩招權納賄，蠹政害人，

蓋緣冊籍莫稽優劣，而去留不由廷議也。今不嚴稽

稽簡弊，必復滋乞命。該衛將所屬審取各父祖從軍

陞襲來歷開具貼黃文冊，如例造送，仍行掌印官將

各官賢否從公查註送部，以備襲替推用，有所查據

江防六事疏

江防

一專委任，言新江口原設都御史管理，而事多關白

守備叅贊、掣肘難行、宜令小者專決、大者會議、庶便
責成、一明約束、言新江口及九江揚州儀真原設官
軍守把、聲勢聯絡、今承平玩愒、江洋劫掠、了不相干、
宜各照所轄、緝捕應援、違者叅究、一實行伍、言新江
口官軍舍餘原額一萬一千六百餘名、今役占老弱、
耗減過半、請清查撥補、以備操練、其各衛所官舍旗
軍立功者、不得改回原衛、一示激賞、言官軍所以營
求改差者、憚其勞也、恤其勞而優厚之、則人勸、宜查
指揮等官勤能懋著者、超起擢用、軍士賞賜布疋、全

與本色。優免二丁。幫貼軍裝。增修窩舖。計處月試賞
犒之費。一處船隻。言江船原額三百四十多。不堪用。
戰船開大。不利風浪。宜令南京兵工二部會同操江
驗看修補。一時操練。言新江口專習水戰。宜將各船
官軍編定。不許差使更換。召募習水者百十名。分教
各船。有風則習巡哨。小船無風則習大船。廢人船相
得。緩急有賴。

王康毅奏疏

疏

王憲

防禦十事疏

防禦

卷之一

一招募慣戰勇敢邊民多驍勇弘治間曾行招募頗得其用後因官籍爲兵人不樂從今宜諭以就募有功者優賞事寧之日欲自便者聽一預處糧餉支費延鎮孤懸河套四面飛沙地不耕稼而又數歲荒歉宜飭當事諸臣乘道路無梗亟備糗糧待用一處備騎征馬匹大僕寺所畜不足以給戰馬宜令守臣取之苑馬寺所孳茶馬司所易及各邊所貯馬價一戒飭防守將士乘賊未至日夜爲備補其單弱處所一

招徠被虜人口。華人被虜多爲所用。宜厚加優恤。歸正人口。以招來者。一召募間諜疑虜。虜計漸殺。必有陰爲之教者。如梁成辛洪是也。宜暗令殺虜歸華。縱事不成。亦足以疑虜。使不敢深入。一計處內地飢餓。民不聊生。恐致內變。宜令守臣預修救荒備盜之政。一戒飭將領掙尅。將失士心。每由貪黷。今後犯科索役占者不止。罪誦盡數查追。以爲後戒。一招改京軍實邊京軍遊民所萃。招兵爲易。而邊鎮缺伍。計補無術。請許各京衛軍。自安業服役者之外。有原籍陝西

但恐京師浮戶

頃習安靡豈肯復時流迤願改邊衛近地者聽符邊一耶

一類覆建言奏疏先因虜

警本部會議有傳采羣策之條以致言者紛紛勦說恐瀆聖聽今後擇其急者覆請否者月終類奏

覆均艸場疏

牧馬草場

草場地土在成化時已有豪勢侵占之患時則令太僕寺查照誌書圖卷區別上中下等凡高阜低窪止堪牧馬者聽養馬人戶輪管牧放肥饒可墾者撥與有力馬戶耕種照依佃種官田事例徵收花利不拘銀穀依時估納如遇災傷逃移及貧乏甚不能具馬

者量與助給以足正數馬政之外毋許他用待後養馬數多停免耕種照舊牧放此善制也其後則有居民得入耕墾之令又其後則有馬戶免科之令又其後復有禁民佃牧違者准屯田論罪之令于是豪強倚藉養馬兼併無制轉佃他人厚取租利如今太僕王崇獻所言者矣向令舊制常存馬戶佃租不免則田有定稅而姦豪無幾幸以殖利居民佃者不禁則民有定業而馬戶亦無所肆其兼併之謀此皆妄搖成計而不慮其後者也且養馬人戶自有額定丁田

國家牧地。非有可私。故收入其租。以備緩急。此恩之
行于法外者也。議者不察。不問貧富。不計豐凶。每逢
解俵。槩而給之。如此則官自爲買。非復民間孳生解
俵之舊矣。宜復令申之舊。高阜低窪。逐年拋荒者。許
除租爲放牧地。其諸肥饒成熟者。無論在軍與民。照
依三等則例納租。每解俵百匹。量留銀百兩。其馬多
銀少者。則盡數貯庫。以被災傷逃移貧乏甚者之缺
餘皆解太僕如故便。

計處清軍事宜

清軍事宜

該本部題武庫清吏司 呈奉本部判送據主事王
學益呈稱照得清理軍伍係國重事 國初各該衛
所在伍有缺俱得經自勾補宣德十年該本部題革
節該本部題准事例各衛每年將節年該勾過故軍
士盡數查出分別司府州縣攢造底冊一樣二本一
本留部一本轉發各司府州縣照各清勾仍每年將
各衛所軍額攢造舊管新收開除實在清勾五項花
名冊一本送部以憑清勾冒漏等項查照各司府州
縣亦每年將奉到本部轉發清勾軍冊逐一開立前

作攢造實有事故文冊送部回答立法亦若周詳但查得在京各衛所歲造前項文冊名數多者如府軍前衛則費銀數十兩其少者亦不下六七兩又有衛門歲該造送文冊不止一二十項每項費與此相上下俱於百戶俸給官軍月糧扣支使用極是繁擾不堪則在外可知矣况各衛每年清勾軍士多則萬數少有千餘而計所解到軍士每年多者不過二三十名至有一軍勾及數十次所費不知幾何而卒不能得其一日之役者實爲未便各該承委督造軍政指

揮不免責成各所千百戶人等多有不諳文理及見前冊歲以爲常徒費少益非特視爲故事抑且或生厭心往往止憑識字人等任意謄寫惟求塞責大抵製造次數愈多則差訛愈甚且奸弊橫出或有見伍而作缺有丁而作無以希解補取利者或有故逃以待勾既勾而復首以希解補取利者或有移名換籍以希解到作無憑收伍取利者或有新軍初到而勒財以逼之逃受財以縱之逃以致隨解隨勾者雖禁例甚嚴而檢覈無法勢難悉杜及查各該司府每年

奉到清勾文冊。謄發各屬。被里長書手人等增減字畫。埋沒名數。作弊多端。其造送回答文冊。亦多止是紙上虛文。至於勾軍數十而實有不數人者。又有一軍回答至數十次而卒無下落者。又有雖稱實有而不解補者。其已解軍丁。則又有隨解隨逃者。有偽爲批印回銷者。雖近有勘合之例。而道里展轉。歲月侵尋。冊籍浩繁。日力不給。終歸苟且。又各清軍官員。因本部原定之數。或至不足。有將不缺伍。及在營有丁。例不該勾人數。作冊外清出。以強湊免罪者。有將丁

盡戶絕責令里甲頂認。及妄指無干者。其民害不可勝言。若不及今爲簡要之法。將見衛所之清勾徒費。而行伍難充。各司之四答雖煩。而文具何裨。且使奸軍或計行。平民或被枉。而稽考旣疎。勸懲不至。軍政之壞。漸無紀極。合行各該衛所。自嘉靖十一年爲始。除宣德四年以前逃故軍士。已經題准住勾外。其宣德四年以後。嘉靖十年以前。該勾逃故軍士。不必每年造冊發清。聽本部定奪軍單式樣。令照式刊刷。備將宣德四年以後。嘉靖十年以前。逃故軍士。每名用

堅白厚紙填單一張，用印鈐記，隸本部者徑送隸都司者類送本部掛號轉發各司府照名清勾，仍照舊以司府州縣相屬攢造底冊一本送部存照，以後年分止將本年逃故軍士造冊填單送部施行，發單者俱免再造，本部仍每年終將各府州縣逃故軍士單總數類填勘合催勾，其五項冊亦不必每年造送，聽本部斟酌定與式樣，更名總冊，行令各隨該衛原設五所或十所，俱每所釘作一冊，照依發去冊式，分別百戶將各軍照充發年月順序挨寫，不許遺漏，每紙

一張分作八格，每格填寫一戶，止列橫格開單軍祖
姓名貫籍下分八行開寫充調接補頂替來歷先管
百戶總小旗姓名，餘行空下，仍於每百戶下除將原
額軍役填滿外，各空格六張，一樣二本，一本送部，一
本存衛，仍照前冊分別各布政司及直隸府州縣各
送一本，以憑轉發收貯，以後年分止將本年新收編
發軍由及解補到軍數開造送部，本部清軍委官督
令該管人員將該年逃故解到等項填寫軍格下新
充軍由填寫該管百戶空格內，該衛并各司府州

縣亦行照填註以憑查照雖至百年可免更造各司
府州縣亦不必每年通將逃故軍士造冊回答及不
許將未奉單勾者妄勾擾民止照本部發去軍單逐
一清審內有丁者卽與解送着伍遇例優免及無勾
者卽與開豁每年終將各解過軍丁收有批廻及例
免者開造小冊連單類送布政司及直隸該管府州
縣差的當人員送部銷照若將有勾軍丁自到日爲
始三年以上不解者雖止一名府州縣清軍官俱叅
問丁盡戶絕并山後人氏挨無者查照軍政條例及

節年題准事例候經勘五次以上送清軍御史處審實類繳免其再勾本部及該司府州縣仍各立住勾冊每衛一本以備查照老幼不堪解者候經勘三次以上造小冊送部案候原單留該州縣候出幼解衛及老疾故絕逃移跟捉者候三年不獲者該州縣另冊編記原單繳部行該衛所另給單勾如再三年不獲悉聽本官施行雖久不廢其該年清審過官員職名及里甲隣佑姓名俱照式填寫單後各取親押若里甲人等通同作弊將有丁捏作故絕壯丁捏作幼

小、非老疾捏作老疾、見在捏作逃移者、事發應解軍
照例發邊遠充軍、如原係邊遠發烟瘴極邊、仍另僉
戶下一丁補伍、里甲隣佑窩家人等、各照例發附近
充軍、官吏依律坐罪、以後清軍御史、五年一差、務要
五年內發去軍單、責令各清軍官逐一完銷、仍弔各
司府州縣原收住勾冊查審、內有捏弊者、另冊送部
事完即許復命、不必定以三年違限、各清軍官員、
但以完銷軍單明白無弊、及不枉平民爲賢否、以示
勸懲、其各衛所及有司送冊單繳冊單限期并違限

等項俱照舊例施行。則清勾之在衛所者。嘉靖十年

若猶未損于舊。嘉靖十一年以後。各衛所造冊之費。

清軍一事。多利少須大變。更之此于舊例中。稍存

不啻減百而存一。所省官軍扣糧之害。不知凡幾。千

衛易之衛耳

萬矣。回答之在有司者。嘉靖十年若猶以爲煩。而自

本年軍單既銷之後。所副發者。歲各無幾。所省官司

里甲之擾。不知幾何。而費亦不知凡省幾千萬矣。且

此單一出。不可妄銷。而不改之例。既嚴。捏故之條。尤

重。佳勾之冊尚存。御史之查不廢。則軍衛之該勾者。

有丁在所必解。無丁在所必議。有司雖欲以虛文了

事不可得。雖欲以刻薄用事不可得。而行伍可漸充。無辜可免害矣。軍總冊之立。可以俟百年不改。而勾單之發。又不煩復而易查。非獨可杜展轉訛寫之端。而在衛所妄勾之宿弊。在各司府州縣吏書積年弄法之宿弊。雖欲自逞。其路無由矣。軍之逃至三次者。指揮千百戶之所管。逃至若干名以上者。凡法例之所欲禁。皆可一揭以知。而法行無不可之歎矣。夫然後清軍之職。在武庫者。冊籍不至于填塞。故綜覈可精。在有司者。奉行不忠于煩難。故心力可盡。在御史

者。按法不憚于無憑，故激揚有道，庶乎簡以知要。不病於迂疎，變以時宜，不謂之紛更。而於軍政可少裨矣。及照各衛先年造報清勾軍冊，舊例于新選官，并復任官員順帶，水路應付紅船，陸路應付脚力。近該本部題准，止許進表官及撫按等處公差順帶，亦照例水路應付紅船，陸路應付脚力。但各衛所道里遠近不一，前冊不肯一一依期到部，與進表官員到京相左，各撫按等處公差人員，往往利于費文討馬，不肯帶冊討驢，又南直隸各不係衝要府分，俱無人肯

枉道賫送以致多滯今既定每軍止許給單一次則
文移自減合咨吏部于新陞除官員係兩司以下州
縣正官以上每季于各布政司選委一人直隸各照
巡按地方選委一人開送過部將該地方軍單盡數
給與順帶前去浙江等處送各布政司交割轉發照
例不支廩給水路應付紅船一隻陸路應付本官馬
一匹及量單多少定與扛擡人夫幾名本部仍按季
另填勘合行各司府州縣查驗則驛遞既可不受而
軍伍亦得及時清理矣再照先項清軍事宜於各軍

衛有司等衙門雖極簡便而該司稽考填寫各項文冊則實天下軍政根本尤宜精詳所據原設當該吏十名止二名係揀撥餘俱大撥多有不諳書寫恐致悞事合咨吏部將該司冊科令典名缺俱揀撥前來庶爲便空緣係計處清軍事宜以便遵守事理合呈請議處施行等因判送到司查得宣德十年該本部題准在京在外都司衛所不許填給勘合差人勾軍止將遞年逃故等項軍人姓名貫址造冊送部轉發清勾成化十一年該本部題爲陳言類送軍冊以便

稽考遠年欺隱軍伍事行都察院轉行各處清軍御史督同都司衛所南京北京衛所各于本部委官俱着落各該軍政及首領官將各管旗軍逐一查出要見原額旗軍若干見在若干逃亡若干改調若干務在原充軍改調來歷年月貫止節次補役戶丁正餘姓名備細通類造冊每布政司攢造一次直隸府一次各一樣二本照依遞年清冊差人送部轉發清勾正德十六年該本部題爲仰承 恩命修舉邦政事內開一定冊式以防欺隱切照勾軍文冊先年雖曾

降去式樣，柰世久人玩，合照依都察院咨到舊管新
收開除實在清勾五項冊式通行天下，攢造花名總
冊一本，以防欺隱。一復有司回答冊，以便查考，切照
天下有司奉到勾軍文冊，清解畢日，除清過軍數，呈
清軍御史奏繳外，另造回答冊送部查考。正德十六
年，該本部題爲陳愚見，以清軍政事，內開除宣德四
年以前逃故無勾軍名照例住勾，以省費用，以杜紛
擾。宣德四年逃故軍士除奉例開伍不勾外，其餘俱
作奉冊清勾之數。三年一次造冊送部轉發清軍，其

成化元年以後逃故軍士作照例員勾之數一年一次造冊送部清勾又查得軍政條例內一款所勾軍士若有丁盡戶絕并山後等處人民挨無名籍等項三次有司係保結回申委無勾取軍衛有司各另造冊申繳兵部開豁若有故違查勘是實照依原奏准榜例查問當該官吏又一欵故軍戶下止有人丁年七十以上或篤廢殘疾不堪充軍者保勘是實明白回報定奪不必起送官吏人等不許因而作弊將不係此等老疾之人朦朧妄報脫免軍役違者論罪又

一款勾補軍役若正軍戶下本有人丁比先年朦朧捏作無勾即便改正勾解如仍扶捏回申照依榜例軍丁發邊遠充軍原係甲隣里人等收發附近衛所充軍官吏依律坐罪又一款逃軍除自首死罪責限起解外其餘拿獲者就于原籍所在官司取問明白初犯再犯依律處決先將戶丁解補里隣人等仍照隱藏逃軍榜例治罪窩家發附近衛所充軍若窩家係軍人發邊衛充軍其窩家如或懼罪不拏將逃軍轉遞他所藏躲者不分軍民俱發烟瘴地面充軍所

在官司知情故縱者、依律坐罪、又一款軍戶之家、多有全家逃躲、及有司遞年勾取里老隣佑明知逃躲去暗地取索財物、容情不行拏解、今後若有此等作弊之人、照依榜例正軍發邊遠充軍、知情原保里老隣佑發附近衛所充軍、又查得正德十六年該本部題爲清理軍伍事、內開一應軍冊聽候吏部新選復職官到部、原額文憑查對相同、陸續封付前去、各衙門交割清理、陸路應付驢疋、水路應付紅船、一切廩給馬匹等項并葦、其撫按公差應付脚力之人、情愿

帶領者、除本等應付外、合量加驢匹以爲馱冊之用
嘉靖四年該本部題准今後該司預將前項軍冊分
別司府封記本數、只候各處進表官員事畢回還、行
移禮部開送本部、如上半年不係進表之期、遇有各
處公差回還、告討脚力者、就便搭配公文、責令帶領
止許本等應付、如冊數委的重多、量加脚力、仍于原
來批文、將領過數目、明白開坐、係各省者、賚至布政
司交割、係直隸者、該府州縣交割、嘉靖八年該本司
主事廖雲龍呈稱軍冊壅滯、要行議處、該本部題准

移咨禮部着令進表官於公事未畢之前赴本部分
領軍冊照依應付等因。通查案呈到部看得主事王
學益呈稱計處清軍事宜以便遵守事一節。爲照事
有急而必變。法貴簡而可行。所據清軍一事積弊已
久。凡有議者皆思變通。而推原其故。則以其繁而寡
要。費而少益。爾夫繁而寡要。則難稽。費而少益。則易
玩。以下之易玩。而乘上之難稽。是故文雖詳而弊無
由察。禁徒嚴而奸不可止也。今主事王學益具呈前
因。一則免遞年清勾之擾。一則省衛所攢造之費。弊

端釐革。公私兩便相應依擬合候 命下備行五軍
都督府南京兵部在京各衛并浙江等布政司直隸
各府州通行各該軍衛有司衙門悉照本部題准該
主事王學益具呈事理施行各衛所依式樣攢造軍
總文冊并清勾軍單完日各用牢固木櫃鎖封印記
選委的當人員用心管解在京仍限本年五月以裏
南京直隸山東山西河南限本年六月以裏浙江江
西湖廣福建限本年七月以裏四川兩廣雲貴限本
年九月以裏俱到部都司掌印官員務要催督如有

違限不到各都司官與各衛所官一體從重叅究以後年分該送軍冊仍照舊例俱限五月以裏到部及行各司府州縣如遇本部發到各衛所軍總文冊務要置立木櫃整齊堆架別庫收貯以俟百年不忒各官去任之日俱要交代明白如有疎違接管官具申該清軍御史如無清軍御史申巡按御史具呈都察院移咨本部叅究其各都司衛所及各司府州縣賚送冊單人員如有違限損失等項俱照例送問重治并咨部院着傳行各該巡按清軍御史嚴行各屬着

實舉行及以後清軍御史悉照本部今次題准事理
定例五年一差。但以完銷五年內發軍單畢日。許令
回道。不必定三年爲限。則費省而人自便。法簡而弊
可稽。行伍漸充。軍民不枉。而軍政庶乎可修矣。及照
各該進表官員并撫按等公差人員領齋軍冊。委有
未便。合咨吏部自嘉靖十一年夏季爲始。每季於新
陞除官員係兩司以下州縣正官以上。每布政司選
委一人。直隸各照巡按地方選委一人。開送過部。將
該季所有冊單盡數給與。順帶前去。各省送各布政

司交割直隸送各巡按御史交割轉發清理照例不支廩給水路應付紅船陸路應付本官馬匹及量單多少定與杠夫幾名則不獨可省驛遞應付之擾而軍冊軍單亦不遲滯其該司當該吏十年止二名係揀撥餘大撥委多不諳書寫亦合移咨吏部查照該司令典名額俱用揀撥前來庶無悞事

爲建言邊情嚴設備以安地方事

大原府忻州儒學訓導方仕譽奏臣惟陝西西寧地方原係蕃夷雜處之地洪惟我朝太祖迅掃胡元

招集人民，開荒展土，始建城郭，設立衛所，各爲西寧。是以學按茶馬司倉場驛遞，漸爲備具，於是西番進貢，達賊潛任，雖係邊境之地，實同腹裏之安。西海出魚鹽之利，山澤滋馬牛之蓄，金褐是產，絨貨皆多。其城西南有李斯牧川，其城西北有雙伯羊川，俱地方百里，土脈肥饒，甚堪種牧。於此軍民樂業，西番獲利，所以倉塲委積，茶馬之政興也。正德七年以來，有達賊各喚，亦不刺阿兒禿廝黑刺麻三種深入，侵奪前利，西番每被擄掠，臨城往來，搶劫軍民，不息戰爭。以

致地方不安，人民失業，至今視爲泛常。臣在此生長，
必懼此患，頗知山川險阻，地理深淺，先年作生員之
時，曾言于楊總制郭兵備，設立邊牆柞子，略爲防備。
臣切思西寧地方，自洪武開設衛所以來，原無達賊
侵害，今被達賊侵害，爲因失于不備之初，仰惟朝
廷身居九重，不能細周邊務，雖設總制巡撫，離彼
千里，況有巡按，只是一年，本處雖有兵備守備，暫來
暫去，故雖設備，未免詢于鄉人而已，所以隨備隨廢，
致使達賊深入，臣受一介之職，愧無消泆之補，若不

悉陳設備之策。恐達賊貪殘益甚。熟知山川險阻。

窺中土盈虛。致使邊疆狼狽。唇亡齒寒。又况西寧正南四川松藩。衛東南通歸德千戶所。河州岷州。西北通甘肅涼州。東北通莊浪寧夏榆林。直至山西三關。大同宣府。爲達賊往來之路。於此可以設險固守。况達賊詭計百端。忽來忽去。統兵西征而北走。北征而西走。四路通達。徒費軍馬錢糧。難以防敵。往往失于不備。念臣每在邊疆。被害存心。非止一日。伏望 聖

明遠紹 太祖之成憲。大施恤患之深仁。乞 勅兵

部議處轉行山西陝西總制撫按等官設法招集各處有罪人民發去充軍會同西番于雙伯羊川等處揀擇地形建立城衛以禦達賊任來之咽喉而爲軍民力田之良策不戰自鞏固不爭自持久不惟西寧爲然凡寧夏榆林及山西三關大同宣府四川等處於達爲出沒往來險阻去處亦須設險固守使達賊不得窺視中國之境於以壯宗社億萬年無窮之業使國家未無西顧之憂也奏奉聖旨該部看了來說欽此查得先爲查訪邊情急缺救濟事該提

督軍務尙書王瓊題稱近年肅州衛屯田舍餘抽選一千員作爲遊兵致將屯地拋荒相應設法清勾補足軍伍將新選屯丁遊兵疎放種田乞要行陝西都御史備查肅州衛節次開逃軍冊備行原籍嚴限清勾解補及行山西山東河南陝西北直隸大小問刑衙門今後但係發遣充軍人犯俱申各該撫按定發肅州衛充軍等因該本部議應依擬覆題奉 聖旨是准議行欽此又爲議處邊備以禦虜患以安地方事該巡按御史陳世情題據整飭甘肅事務分巡西

寧道副使李淮呈稱自蘭州至甘涼諸處沿邊一帶雖有墩臺緣坍塌不修或寫遠不守或設立不係緊要或緊要未曾添設雖聞有挑挖壕塹而未必盡挑有築堵防衛而未必盡築有斬截岩崖而未必盡斬合無就將附近該修該添堡寨一併踏看估計量其多寡設立大小屯堡修設之後各於近堡去處設立小教場一所督令屯丁就彼習射仍于適中去處築打小堡挑挖壕塹置立吊板以便趨避若零賊三五騎近堡瞭望的確伏兵許其協力勘捕等因該本部

議擬題奉 聖旨是准議行，欽此。欽遵，俱經通行總制及該鎮巡官詳議參酌時勢，着實舉行。去後未報，今該前因看得訓導方仕譽奏稱一節，爲照設險禦虜，乃安內攘外要務。今本官具奏前項事情，與往時各官建議大要相同，其言似有可采，但稱要于雙伯羊川等處建立衛城，事體重大。况本官原係該鎮土人，中間未審有無便已損人，別項情弊，遠難議擬，相應勸處。

皇明經世

之終